



# 說菩薩功德

——「大智度論」集粹之五——

智 銘

摩訶薩埵卽「菩薩」之通稱。「摩訶」名「大」，「薩埵」名「衆生」，或名「勇心」。此人心能爲大事，不退不還，大勇心故，名爲摩訶薩埵。又於衆生中，最爲上首故，名摩訶薩埵。又於多衆生中，起大慈大悲，成立大乘，能行大道，得最大處故，名摩訶薩埵。又大人相成就故，名摩訶薩埵。又必能說法，破一切衆生及己身大邪見、大愛慢、大我心等諸煩惱故，名摩訶薩埵。又衆生不盡，以是衆生等無邊、無量、不可擬、不可思議，盡能救濟，令離苦惱，著於無爲安隱樂中。有此大心，欲度多衆生故，名摩訶薩埵。

是諸菩薩摩訶薩願言：盡教化一切十方衆生，盡供養供給一切十方諸佛，願令一切十方諸佛土清淨，心堅受持一切十方諸佛法，分別知一切十方諸佛土故，盡知一切諸佛弟子故，分別知一切衆生諸心故，知斷一切衆生諸煩惱故，盡知一切衆生諸根故，諸菩薩發心住阿耨多羅三藐三菩提。如是等十門爲首，乃至百千萬億阿僧祇門，是爲道法門，菩薩應知、應入。一切諸佛法能持能受。諸菩薩心不動，如須彌山。諸菩薩如藥王，能除一切諸煩惱。諸菩薩如日，能除一切暗。諸菩薩如地，能含受一切衆生。諸菩薩如風，能益一切衆生。諸菩薩如火，能燒一切外道諸煩惱。諸菩薩如雲，能雨法水。諸菩薩如月，福德光明，能照一切。諸菩薩如釋提桓因，守護一切衆生。以是諸菩薩生大願，欲得大事，欲至大處故，名摩訶薩埵。

菩薩皆得陀羅尼及諸三昧，行定、無相、無作，已得等忍。所謂「陀羅尼」譯爲「能持」、「能遮」。能持者，集種種

善法，能持令不失不散。能遮者，惡不善根心生，能遮令不生。若欲作惡罪，能持令不作，是名陀羅尼。菩薩得陀羅尼力故，一切魔王、魔民、魔人無能動，無能破，無能勝。「多羅尼」有多種：有聞持陀羅尼，得是多羅尼者，一切語言諸法，耳所聞者，皆不忘失。有分別知陀羅尼，得是陀羅尼者，諸衆生、諸法，大、小、好、醜，分別悉知。有入音聲陀羅尼，得此陀羅尼者，聞一切語言音，不喜不瞋，若一切衆生如恆河沙等劫，惡言罵詈，心不憎恨。菩薩因有入音聲陀羅尼，具智慧利根，能思惟除遣瞋心。作是念：若耳根不到聲邊，惡聲著誰？又如罵聲，聞便直過，若不分別，誰當瞋者？凡人心著吾我，分別是非而生恚恨。若人能知語言隨生隨滅，前後不俱，則無瞋恚。亦知諸法內無有主，誰罵誰瞋？若有人聞殊方異語，此言爲好，彼以爲惡，好惡無定，唯罵不瞋。若有人知語聲無定，則無瞋喜，但求遮法而不瞋之，罵詈諸惡，亦復如是。但以慈悲息此諸惡，不生瞋心，菩薩知諸法不生不滅，其性皆空，若人瞋恚罵詈，若打若殺，如夢如化，誰瞋誰罵？又若有人以恆河沙等劫讚歎供養，衣食、臥具、醫藥、華香、瓔珞，得忍菩薩，其心不動，不喜不著。蓋種種恭敬供養，是皆無常，今有因緣故，來讚歎供養，後更有異因緣則瞋恚，若打若殺，是故不喜。我有智慧功德故，來讚歎供養，是爲讚歎功德，非讚我也，我何以喜？菩薩觀一切法如夢如幻如響，誰讚誰喜？我於三界中未得脫，諸漏未盡，未得佛道，云何得讚而喜？唯佛一人，一切功德都已滿故。是故菩薩得種種讚歎、供養、供給，心不生毒，如是等相，名爲「入音聲陀羅尼」。

此外，尚有寂滅陀羅尼、無邊旋陀羅尼、隨地觀陀羅尼、威德陀羅尼、華嚴陀羅尼、淨音陀羅尼、虛空藏陀羅尼、海藏陀羅尼、分別諸法地陀羅尼、明諸法義陀羅尼、如是等畧說五百陀羅尼門，廣說則無量，菩薩皆得陀羅尼。

所謂諸三昧者，三三昧：卽空、無作、無相。或云：觀五陰無我、無我所，是名爲空。住是空三昧，不爲後世故起三毒，是名無作。緣離十相法：五塵、男、女、生、住、滅故，是名無相。或言：住是三昧中，知一切諸法實相，所謂畢竟空，是名空三昧。知是空已無作，云何無作？不觀諸法若空若不空，若有若無等。如佛說法句中偈云：「見有則恐怖，見無亦恐怖，是故不著有，亦復不著無。」是名無作三昧。一切法無有相，一切法不受不著，是名無相三昧。偈云：「言語已息，心行亦滅，不生不滅，如涅槃相。」復次：十八空，是名空三昧，種種有中，心不求，是名無作三昧。一切諸相破壞不憶念，是名無相三昧。以上三三昧，能令人心不高不下，平等不動，其餘三昧則不如是。餘定（其他種種禪定）中或愛多，或慢多，或見多。唯有以上三三昧，爲第一實義實利，能得涅槃門。

所謂「等忍」者，「等」有二種：卽衆生等與法等。「忍」亦有二種，卽衆生忍與法忍。衆生等者；一切衆生中，等心、等念、等愛、等利。一切衆生中，不著種種相，空相，一等無異。如是觀，是名衆生等。若人於是中心等無礙，直入不退，是名得等忍。得等忍菩薩，於一切衆生，不瞋，不惱，如慈母愛子，是名衆生等忍。所謂法等忍，善法、不善法，有漏、無漏、有爲、無爲等法，如是諸法入不二法門，入實法相門，如是入竟，是中深入諸法實相時，心忍直入，無諍無礙，是名「法等忍」。蓋諸法不生不滅，非不生非不滅，亦不生滅非不生滅，亦非不生滅非不生滅。已得解脫，空、非空，是等悉捨，滅諸戲論，言語道斷，深入佛法，心通無礙，不動不退，名「無生忍」，是助佛通初門，以是故，說菩薩已得等忍。

菩薩得無礙陀羅尼，諸解脫中，無礙解脫最大，是無礙陀羅尼，外道、聲聞、辟支佛、新學菩薩皆悉不得，唯無量福德智慧

大力諸菩薩，獨有是陀羅尼。是菩薩輩，自利已具足，但欲益彼，說法教化無盡，以無礙陀羅尼爲根本，以是故，諸菩薩常行無礙陀羅尼。

諸菩薩悉是五通，卽如意、天眼、天耳、他心智、自識宿命等五通。言必信受，無復懈怠，已捨利養、名聞，利養如賊，壞功德本。名聞亦復如是，壞功德苗，令不增長。說法無所希望，度甚深法，得無畏力，能巧斷一切衆生疑，說法無所畏。

諸菩薩過諸魔事，魔有四種：一者、煩惱魔。二者、陰魔、三者、死魔。四者、他化自在天子魔。諸菩薩得道故，破煩惱魔。得法身故，破陰魔。得道、得法性身故，破死魔。常一心故，一切處心不着故，入不動三昧故，破化他自在天子魔。以是故，說過諸魔事。除諸法實相，餘殘一切法，盡名爲魔：如諸煩惱、結、使、欲、縛、取、纏、陰、界、入、魔王、魔民、魔人，如是等盡名爲魔。魔奪慧命，壞道法功德善本，人展轉世間受苦樂，結使因緣，亦魔王力因緣，是魔名諸佛怨仇，一切聖人賊，破一切逆流人事，不喜涅槃。魔有三事：戲笑語言，歌舞邪視，如是等從愛生。縛打鞭拷，刺割斫截，如是等從瞋生。炙身、自凍、拔髮、自餓、入火、赴淵、投岩，如是等從愚癡生。凡大過不淨，染着世間，憎、惡、利益，不用涅槃及涅槃道，皆是魔事，沒大苦海，不自覺知，如是等無量，皆是魔事。菩薩已棄已捨，是爲過諸魔事。

諸菩薩一切業障悉得解脫，障有三種：煩惱障、業障、報障。三障中，業力最大，積集諸業久住，和合時與果報，得時節而生，不失不壞，成爲生死輪，菩薩則一切諸業障悉得解脫，而巧說因緣法。因緣法十二，種種法門能巧說煩惱，業、事，次第展轉相續生，是名十二因緣。是中無明、受、取三事，名煩惱。行、有二子名業，餘七分，名事。煩惱、業、苦，是三事展轉，更互爲因緣：是煩惱業因緣，業苦因緣，苦苦因緣，苦煩惱因緣，煩惱業因緣，業苦因緣，苦苦因緣。是名展轉更互爲因緣。過去世一切煩惱，是名無明，從無名生業，能作世界果，故名爲行。

（下轉第32頁）

⑨ 同上註、八七四中一下。

⑩ 此語出自「法華遊意」。吉藏分別引用「大品般若」與「法華經」，指出衆生本來與佛無異，故行者要「內外相忘，緣觀俱寂」，以無念佛方式念佛：

問：「『大品』云：『云何念佛？以無憶故。』既其無憶，云何念也？」

答：「了衆生與佛本來不二，即不見佛爲所念，衆生爲能念故。內外並忘，緣觀俱寂，故名無憶也。」

問：「『大品』可有斯文，今（『法華』經）何處明斯念佛也？」

答：「壽量品云：『如來如實知見三界之相，無有生死若退若出，亦無在世及滅度者。非實非虛，非如非異，不如三界，見於三界。』三界即是衆生，故知衆生與佛無二，寧有能念所念義耶？」（大正藏三四、六三六中）

⑪ 大正藏三八、八六一下。

⑫ 「大乘玄論」卷四（大正藏四五、五六中）。

⑬ 「淨名玄論」卷五（大正藏三八、八八四上）。

⑭ 大正藏三八、八五四下。

⑮ 大正藏四五、四六下。

⑯ 同上註、四六中一下。

⑰ 參閱大正藏四五、四七上與大正藏四二、一五四下——一五五上。

⑱ 「大乘玄論」卷三（大正藏四五、四八上）。

⑲ 「法華玄論」卷一亦云：「『涅槃』教起，但爲斥無常病故（明）常樂。若衆生無有無常之病，則不須明常樂。」（大正藏三四、三六九下）

吉藏視「涅槃經」之「常樂我淨」說爲方便義是有經文作根據的。例如南本「涅槃經」卷十三聖行品云：

「善男子！如來世尊有大方便：無常說常，常說無常；說樂爲苦，說苦爲樂；不淨說淨，淨說不淨；我說無說，無我說我。

……善男子！如來以是無量方便，爲調衆生，豆虛妄耶？」（大正藏一二、六九五上）

又卷二十八師子吼菩薩品記如來爲了對破衆生貪著世法而言「常樂我淨」。其陳「常樂我淨」說來意與吉藏容稍相異，但以「常樂我淨」爲方便法之意則一：

「善 男子！二月名春。春陽之月，萬物生長，種植根哉，花果

敷榮，江河盈滿，百獸孚乳。是時衆生多生常想。爲破衆生如是常心，說一切法悉是無常，唯說如來常住不變。善男子！於六時中孟冬枯悴，衆不愛樂；陽春和液，人所貧愛。爲破衆生世間樂，故演說常樂。我淨亦爾。如來爲破世我世淨，故說如來真實我淨。」（大正藏一二、七九〇中）

⑳ 大正藏三四、三八八中。

㉑ 大正藏四五、一一二下。

㉒ 「中觀論疏」卷一便指出「常樂我淨」不外是表生滅念之止息：「七者『涅槃經』云：『諸行無常，是生滅法；生滅滅已，寂滅爲樂。』……若住十二因緣，迴流生死，是則無有常樂我淨。此（中）論觀彼十二因緣本自不生，今亦無滅，即生滅便息。生滅既息，是則爲常；既有其常，即見我樂淨。」（大正藏四二、六下）

㉓ 大正藏三八、二二二中。

㉔ 大正藏四五、四七下。

㉕ 大正藏三八、二三〇中。

㉖ 大正藏四五、九二上。

㉗ 「法華玄論」卷三（大正藏三四、三七五下）。

㉘ 大正藏四二、一五五中。

㉙ 參閱本章註十七。

㉚ 「中觀論疏」卷十（大正藏四二、一五七中）。

㉛ 同上註、一五八中。

㉜ 同上註、一五九上。

### （上接第23頁 說菩薩功德）

從行生垢心，初身因，如犢子識母，自相識故，名爲識。是識共生無色四陰，及是所住色，是名名色。是名色中，生眼等六情，是名六入。情、塵、識合，是名爲觸。從觸生愛，受中心着，是名渴愛。渴愛因緣求，是名取。從取後世因緣業，是名有。從有，還受後世五衆，是名生。從生，五衆熟壞，是名老、死。老死生憂、悲、哭泣，種種愁惱，衆苦和合集。若一心觀諸法實相清淨，則無明淨，無明淨故行淨，乃至衆苦和合集皆盡。是十二因緣相，如是能方便不著邪見，爲人演說，是名爲「巧」。又十二因緣觀中，斷法愛，心不著，知實相，是名爲「巧」。菩薩能巧說因緣，方便度脫衆生。

（完）